

DAGSORDEN US - Utoqqaat siunnersuisoqatigiiffiat d. 08-09-2026

Mødedato Tirsdag d. 08. september 2026 kl. 16:30

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarnera.....	4
Nalunaarutit.....	4
Ilisimatitsissut – NORA-pilersaarut – Utoqqaat isumalluutitut.....	5
Aalajangiiffigisassaq: Qeqertarsuatsiaani utoqqaat najugaqatigiiffiat.....	6
Aalajangiiffigisassaq: Nunaqarfinni utoqqaat sullissivigineqartarnerisa oqallisigineqarnera.....	7
Aalajangiiffigisassaq: Utoqqaat pillugit Siunnersuisooqatigiit 2026-imi 2027-imilu ataatsimiiffissat.....	8
Aalajangiiffigisassaq: Utoqqaat pillugit Siunnersuisooqatigiit ukiuni tulluuttuni sisamani sammisassat.....	9
Oqallisigineqartussaq: Utoqqaat ulluat 1. oktober.....	10
Tamalaat.....	11
Imaqarniliaq akuerineqarnera.....	11

Ilaasortat:

- Titken Terkilsen - Paamiut
- Bikki Kleist Jepsen - Nuuk
- Kunúnguak Kleist-Johansen - Siulittaasoq - Nuuk
- Karl Bethelsen - Paamiut
- Beathe P. Nielsen - Nuuk

Utoqqaat pillugit Siunnersuisooqatigiit siulittaasuannit nalunaarut

1. Utoqqarnut ikiorsiissutit pillugit inatsisissaq pillugu seminar

Siulittaasoq utoqqarnut ikiorsiissutit pillugit inatsisissamut tunngatillugu seminareqataanini pillugu ilisimatitsivoq. Seminar siullermeerutaasumik tusarniaaneq sioqqullugu ingerlanneqarpoq, inatsisissatut siunnersuutip videre ingerlanneqarneranut atatillugu isummanik oqaaseqaatinillu katersinissaq siunertaralugu.

2. Isumaginninnermut Suliffeqarnermullu Ingerlatsiviup aaqqissuussaanera pillugu misissueqqissaarneq

Siulittaasoq ilisimatitsivoq Isumaginninnermut Suliffeqarnermullu Ingerlatsiviup aaqqissuussaanera pillugu Deloitte-p maanna misissueqqissaarneranut atatillugu apersorneqarsimalluni.

Utoqqaat pillugit immikkoortortaqaarfimmi pisortamit nalunaarut

1. Paamiuni allorissaasut suleriaasiat pillugu allakkiaq

Utoqqaat Siunnersuisooqatigiivisa siusinnerusukkut Paamiuni allorissaasut suleriaasiat pillugu allakkiamik kissaateqarnerat tunngavigalugu qinnuteqaat immikkoortortamut pineqartumut ingerlateqqinneqarsimavoq.

Allakkiaq sulit utaqqineqarpoq, naammassippallu Utoqqaat Siunnersuisooqatigiivinut saqqummiunneqassaaq.

2. Utoqqarnut ikiorsiissutit pillugit inatsit

Pisortaq ilisimatitsivoq utoqqarnut ikiorsiissutit pillugit inatsit siullermeerutaasumik tusarniaassutigineqartoq. Inatsisissatut siunnersuut Inatsisartut ukiakkut ataatsimiinneranni suliarineqarnissaa naatsorsuutigineqarpoq, ingerlatsivillu siullermeerutaasumik tusarniaanermut oqaaseqaatissanik suliaqarnissaq siunertaralugu atortunik misissuileruttorpoq.

3. Utoqqaat inissiassaat

Pisortaq ilisimatitsivoq Iserit tusarniaanermut, Utoqqaat pillugit Siunnersuisooqatigiit siusinnerusukkut tusarniaanermut akissuteqarfigisimasaannut, akissuteqarsimasoq.

Iserit ilisimatitsivoq siunissami Utoqqaat pillugit Siunnersuisooqatigiit tusarniaanerit aallartinneranni siusinnerusukkut ilanngunneqartalissasut. Aamma Paamiuni utoqqaat inissaat pillugit suliaqartoqalerpat Utoqqaat pillugit Siunnersuisooqatigiit peqataatinneqarnissaat Iserit pingaartillugu sulissutiginiarpaa.

4. Suliniut nutaa puigortunngortunut – Kiisalu aamma cykkiliussisartussanut nutaarsiassaq

Ilisimatitsissut

Siulittaasoq ilisimatitsivoq NORA-p suliniutaanut ”**Utoqqaat – NORA-p isumalluutai erlinnartut**” peqataasinnaanersoq pillugu Utoqqaat Siunnersuisoqatigiivisa siulittaasuanut saaffiginnittoqarsimasoq.

Suliniummi siunertarineqarpoq utoqqaat aningaasatigut inuiaqatigiinnilu periarfissaat kiisalu utoqqaat suliliffeqarnermi inuiaqatigiinnilu aktiivisest peqataasinnaanerat ukkatarineqassasut. Suliniummi ilaatigut sammineqassapput utoqqaat suliliffeqarnermi peqataasarnerat, utoqqaat peqqissusaat, inatsisiliorneq sinaakkutillu, utoqqaat mentoritut atuuffissaat, utoqqaat assigiinngisitsiffigineqartarnerat kiisalu kiserliorneq inuiaqatigiinnillu avinngarusimaneq.

Suliniut Atlantikup avannaani suleqatigiinnikkut ingerlanneqassaaq, Norgemit, Islandimit Savalimmiunillu peqataaffigineqarluni, Kalaallit Nunaallu ataatsimoortumik katersuunnernut peqataatinneqarnissaa kissaatigineqarpoq.

Siulittaasoq peqataanissamut akuersisimavoq, suliniullu kiisalu Savalimmiuni **18.–21. september 2026** ataatsimoortumik katersuunnissaq pillugit ilisimatitsissalluni.

Suliniut **2026-miit 2028-mut** ingerlanneqassaaq, Bodø-mi Reykjavík-imilu aamma katersuunnerit pilersaarutigineqarlutik.

Qeqertarsuatsiaani utoqqaat najugaqatigiiffiat

Aalajangiiffigisassaq

Qeqertarsuatsiaani utoqqaat najugaqatigiiffiata siunissami ingerlanneqarnissaa pillugu suliaq Utoqqarnut Isumassuinerimullu Ataatsimiititaliamit 3. august 2026-imi suliarineqarpoq.

Ataatsimiititaliap ingerlatsiviup siunnersuutaani immikkoortoq 1, utoqqaat najugaqatigiiffiata atorunnaarsinneqarnissaa pillugu, akuersissutigaa, sulialu Aningaasaqarnermut Inuussutissarsiornermullu Ataatsimiititaliamut kiisalu Kommunalbestyrelsimut suliassanngorlugu ingerlateqqinneqassasoq aalajangiullugu.

Suliap politikkikkut suliarineqaqqinneranut atatillugu Utoqqaat pillugit Siunnersuisooqatigiit oqaaseqaateqaqqullugit qinnuigineqarput. Utoqqaat pillugit Siunnersuisooqatigiit oqaaseqaataat suliap politikkikkut suliarineqaqqinneranut ilanngussatut ilanngunneqassapput.

Allagaq kiisalu politikkikkut suliaq ilanngussatut ilanngunneqarput.

Inassuteqaat

Inassutigineqarpoq Utoqqaat pillugit Siunnersuisooqatigiit:

1. Utoqqaat pillugit Siunnersuisooqatigiit utoqqaat najugaqatigiiffianik atorunnaarsitsinissamut oqaaseqaatit
2. Suliamut atatillugu eqqarsaatigineqartariallit najukkami pisariaqartitat suunerinik Utoqqaat pillugit Siunnersuisooqatigiinnit naliliineq.
3. Utoqqaat najugaqatigiiffiat atorunnaarsinneqassappat Utoqqaat pillugit Siunnersuisooqatigiit illup siunissami atorneqarnissaanut siunnersuuteqarnerisut

Innersuussut – ilaasortamit Titken Terkilsenimit saqqummiunneqartoq

Siunnersuutigineqarpoq utoqqaat pillugit siunnersuisooqatigiit ajornartorsiummik saqqummiunneqartumik oqallisigissagaat, tassunga atatillugu nunaqarfinni utoqqaat sullissivigineqartarneranni ajornartorsiutaasinnaasut, ilanngullugit sullississutit tunngaviusut pissarsiarineqarsinnaaneratt kiisalu sullissivinni inissatigut periarfissat ineriartornerat.

Taamatuttaaq siunnersuutigineqarpoq utoqqaat pillugit siunnersuisooqatigiit isummerfigissagaat, ingerlatsivimmut Isumaginninnermut Suliffeqarnermullu Ingerlatsivimmut saaffiginnissuteqassanersut, siunertaralugu nunaqarfinni utoqqaat sullissivigineqarnerisa qaffasissusaat pillugu erseqqissaasoqarnissaa.

Inatsisitigut tunngavigisat

Siunnersuut saqqummiunneqarpoq ileqqoreqqusami § 3, *imm.* 3 naapertorlugu, tassani aalajangersarneqarluni utoqqaat pillugit siunnersuisooqatigiit sammisat tamaasa pillugit oqaaseqaateqarsinnaasut siunnersuuteqarsinnaasullu, kommunimi utoqqaat atugaannut inuuniarnermullu pingaaruteqartunik

Utoqqaat pillugit siunnersuisooqatigiit siunnersuisartutut atuuffeqarput, tak. *ileqqoreqqusami* § 2, taamaattumillu ingerlatsivimmut saaffiginnissuteqarnissamik aalajangiisinnaallutik, siunertaralugu utoqqaat pillugit ataatsimut isiginnilluni pissutsit erseqqissaaffigineqarnissaat.

Isumaginninnermut Suliffeqarnermullu Ingerlatsivik sullississutit aaqqissuussaananerannut ingerlatsinerannullu akisussaavoq, aammalu nassuiaat saqqummiunneqarsinnaasoq ingerlatsiviup suliarnut tunngasunik naliliineranik tunngaveqassaaq.

Utoqqaat pillugit siunnersuisooqatigiit ataasiakkaanut tunngasunik suliassanik suliarnissinnaanngillat, tak. § 3, *imm.* 8, taamaattumillu oqallinneq ataatsimut isiginnilluni pingaarnertut pissutsinut tunngatinneqarpoq.

Utoqqaat pillugit Siunnersuisooqatigiit 2026-imi 2027-imilu ataatsimiiffissaat

Utoqqaat pillugit Siunnersuisooqatigiit malittarisassaanni § 3, *imm.* 6 naapertorlugu siunnersuisooqatigiit ukiumut ataatsimiittarput.

Utoqqaat pillugit Siunnersuisooqatigiit malittarisassaanni § 6, *imm.* 1 naapertorlugu Utoqqarnut Isumassuinerimullu Ataatsimiititaliaq ukiumut ataasiarluni Utoqqaat pillugit Siunnersuisooqatigiit peqatigalugit killiffik pillugu ataatsimeeqateqartarpoq.

Utoqqarnut Isumassuinerimullu Ataatsimiititaliaq peqatigalugu killiffik pillugu ataatsimeeqatigiinnissaq sioqqullugu, Utoqqaat pillugit Siunnersuisooqatigiit ataatsimiititaliamut oqaluuserisassatut saqqummiukkusutaminnik oqallisiginninnissaat piareersarnissaallu siunertaralugu piareersaataasumik ataatsimiinnissaat aamma siunnersuutigineqarpoq.

Ingerlatsiviup ataatsimiiffissatut siunnersuutit uku akuersissutigineqartussanngorlugit saqqummiuppai:

2026-imi ataatsimiinnerit sinneruttut

- Utoqqarnut Isumassuinerimullu Ataatsimiititaliaq peqatigalugu killiffik pillugu ataatsimiinnissaq sioqqullugu piareersaataasumik ataatsimiinneq ingerlanneqassasoq siunnersuutigineqarpoq: **Marlunngorneq 27. oktober 2026 nal. 13.30–15.00**
- **Ilisimatitsissutitut:** Utoqqarnut Isumassuinerimullu Ataatsimiititaliaq peqatigalugu immikkut killiffik pillugu ataatsimiinneq ingerlanneqassaaq: **Sisamannorneq 26. november 2026 nal. 14.00 (ulloq aalajangersarneqareerpoq)**

2027-imi ileqquusumik ataatsimiiffissatut siunnersuutit

1. ileqquusumik ataatsimiinneq: **Marlunngorneq 9. marts 2027 nal. 13.30–15.00**
2. ileqquusumik ataatsimiinneq: **Marlunngorneq 8. juni 2027 nal. 13.30–15.00**
3. ileqquusumik ataatsimiinneq: **Marlunngorneq 7. september 2027 nal. 13.30–15.00**
4. ileqquusumik ataatsimiinneq: **Marlunngorneq 7. december 2027 nal. 13.30–15.00**

Utoqqarnut Isumassuinerimullu Ataatsimiititaliaq peqatigalugu 2027-imi ukiumoortumik killiffik pillugu ataatsimiiffissaq ataatsimiititaliaq peqatigalugu kingusinnerusukkut aalajangersarneqassaaq.

Inassuteqaat

Inassutigineqarpoq Utoqqaat pillugit Siunnersuisooqatigiit:

1. Utoqqarnut Isumassuinerimullu Ataatsimiititaliaq peqatigalugu killiffik pillugu ataatsimiinnissaq sioqqullugu piareersaataasumik ataatsimiittoqarnissaa akuersissutigissagaat, aamma
2. 2027-imi ileqquusumik ataatsimiiffissatut siunnersuutit akuersissutigissagaat.

Inassutigineqarpoq Utoqqaat pillugit Siunnersuisooqatigiit:

1. sammisassatut siunnersuutiniq saqqummiussissasut, ilaasortat tamarmik anguniakkamik marlunnik sulissutigiumasaminnik saqqummiussillutik,
2. siunnersuutit ataatsimoortut oqallisigissagaat,
3. Utoqqaat pillugit Siunnersuisooqatigiit qinigaaffimmi sulinissaannut sammisassat pingaarnersiorlugit 3-4-t toqqassagaat.

Oqallisigineqartussaq

Utoqqaat pillugit Siunnersuisooqatigiit utoqqaat ulluannik 1. oktoberimi pisartumik oqallisigissavaat, tassunga ilanngullugu ulloq qanoq malunnartinneqarsinnaanersoq aamma utoqqaat pillugit sammisaqarnerup qanoq annertusarneqarsinnaanersoq.

Aamma oqallisigineqassapput susassaqartunut naleqquttunut suleqateqarnissamut periarfissat kiisalu ullormut atatillugu aaqqissuussisoqarsinnaanera.

Inassuteqaat

Inassutigineqarpoq Utoqqaat pillugit Siunnersuisooqatigiit:

1. utoqqaat ulluat 1. oktober qanoq malunnartinneqarsinnaanersoq oqallisigissagaat,
2. aaqqissuussinerit suleqatigisinnaasallu oqallisigissagaat, aamma
3. suliniutit aalajangersimasut suliarineqarnissaat pillugu isumaqatigiissuteqassasut.